

**RESOLUCIÓN REITORAL DE 27 DE NOVIEMBRE DE 2020
POLA QUE SE ESTABLECEN AS BASES REGULADORAS E SE
APROBA A CONVOCATORIA DE PRAZAS DE INTERCAMBIO
CON EEUU PARA O CURSO ACADÉMICO 2021-2022
DENTRO DO CONVENIO DE COLABORACIÓN ENTRE A
UNIVERSIDADE DE VIGO E A REDE ISEP (International
Student Exchange Program)**

A Universidade de Vigo, a través da Oficina de Relacións Internacionais (en diante ORI), participa nun programa de intercambio cos Estados Unidos a través de ISEP (International Student Exchange Program, EEUU), dentro do acordo existente entre ambas as dúas institucións. ISEP é unha rede de máis de 200 universidades de todo o mundo que ten por obxectivo facilitar a mobilidade de estudantes de grao e posgrao.

Os intercambios efectúanse en réxime de reciprocidade coas distintas universidades estadounidenses que forman a rede ISEP.

En virtude deste convenio de participación en ISEP e de acordo coas facultades que lle outorgan a Lei Orgánica 6/2001, de 21 de decembro, modificada pola Lei 4/2007, artigo 72 do Decreto 13/2019, do 24 de xaneiro, polo que se aprobaron os estatutos desta universidade, e vista a Lei 9/2007 de Subvencións de Galicia, as disposicións aplicables da Lei 38/2003, do 17 de novembro, Xeral de Subvencións e as súas normativas de desenvolvemento.

ESTA REITORÍA RESOLVE:

1. Convocar 15 prazas en réxime de concorrencia competitiva para cursar estudos dun curso completo nalguna das universidades estadounidenses que participan no ISEP (listaxe de Universidades participantes dispoñible en <http://www.isepstudyabroad.org/member-universities>) (U.S. Universities)
2. Ordenar a publicación desta convocatoria e as bases que a regulan na sede electrónica da Universidade de Vigo <https://sede.uvigo.gal/public/dynamic/publications/> (Taboleiro de anuncios) e no [Portal de bolsas](#) da web da Universidade de Vigo.
3. A este procedemento aplicaráselle a tramitación de urxencia, pola cal se reducirán á metade os prazos establecidos para o procedemento ordinario, salvo os relativos á presentación de solicitudes e recursos, debido aos prazos establecidos polo ISEP

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo namentres non recaia resolución expresa ou presunta do recurso de reposición, de acordo co disposto na *Lei 39/2015, de 1 de outubro, do procedemento administrativo común das administracións públicas*.

O REITOR

Por Delegación (R.R. do 26/05/2020)

DOG 04/06/2020

A vicerreitora de Responsabilidade Social, Internacionalización e Cooperación

Esta resolución está asinada dixitalmente por

María Isabel Doval Ruiz



ANEXO I

**BASES QUE REGULAN A CONVOCATORIA DE PRAZAS DE INTERCAMBIO ACADÉMICO 2021-2022
DENTRO DO CONVENIO DE COLABORACIÓN ENTRE A UNIVERSIDADE DE VIGO E ISEP (International
Student Exchange Program)****1. OBXECTO**

Estas axudas teñen por obxecto ofrecer ao alumnado da Universidade de Vigo a posibilidade de cursar estudos nalguna das universidades estadounidenses que participan no ISEP (listaxe de Universidades participantes dispoñible en <http://www.isepstudyabroad.org/member-universities>) (U.S. Universities) durante todo o ano (de agosto a maio/xuño) no curso académico 2021-2022.

Cada estudante terá aloxamento e manutención cubertos durante a súa estadía na universidade estadounidense ou, no seu defecto, un subsidio supletorio. Non aboará taxas de matrícula na universidade receptora pero si deberá estar matriculada/o e pagar as taxas de matrícula na Universidade de Vigo no curso 2021-2022.

2. REQUISITOS

Poderá participar na presente convocatoria o estudiantado que cumpra os seguintes requisitos:

a) Requisitos académicos:

- a. No caso de estudos de grao (*undergraduate*): Estar matriculada/o no curso académico 2020-21 nos cursos 2º, 3º ou 4º das titulacións oficiais de grao que se ofertan nos centros propios da Universidade de Vigo. O alumnado da Escola de Enxeñaría Industrial poderá realizar no marco do programa ISEP só estudos relativos ao seu último curso de titulación.
- b. No caso de estudos de posgrao (*graduate*): Estar matriculada/o no curso académico 2020-21 nos centros propios da Universidade de Vigo nunha titulación de mestrado ou de doutoramento.

b) Requisitos lingüísticos:

- a. Estar obrigatoriamente en posesión e con vixencia do *Test of English as a Foreign Language* (TOEFL iBT). Ningunha outra acreditación lingüística de inglés será admitida. A matrícula no TOEFL iBT será realizada directamente pola persoa solicitante en liña na páxina web <http://www.toefl.org>. Admitiranse igualmente a trámite aquelas solicitudes que acheguen copia da matrícula no TOEFL. Só se admitirán as dos exames convocados ata o **12 de decembro de 2020** inclusive. Ao longo do desenvolvemento do exame TOEFL, o estudiantado solicitará que unha copia do resultado se envíe directamente á oficina de ISEP (sinalar: ISEP code 9250).
- c) Non ter renunciado, sen motivo xustificado, a unha praza aceptada na convocatoria ISEP do curso anterior.



3. DOTACIÓN ECONÓMICA

3.1 Taxas que deberá aboar o estudantado seleccionado:

O programa ISEP finánciase a través do sistema de reciprocidade institucional. O alumnado da Universidade de Vigo ten as taxas de matrícula, aloxamento e manutención gratuítos durante a súa estadía na universidade estadounidense. Non recibirá axuda económica da Universidade de Vigo.

Terá que aboar á Universidade de Vigo as seguintes taxas:

- Tala correspondente selección, a/o estudante aboará á Universidade de Vigo a cantidade de 4.000 euros. A taxa será a mesma se o estudante tivese que reducir a súa estadía a un cuatrimestre.
- Taxas de tramitación e asignación de destino: O estudantado, unha vez seleccionado pola Universidade de Vigo, aboará directamente a ISEP a taxa de tramitación de ISEP (ISEP Exchange Application Fee), a cal non será devolta en ningunha circunstancia, incluso no caso de que, por mor da cualificación do TOEFL da/o solicitante, ISEP non poida proporcionar asignación en ningunha institución do programa. Esta taxa, segundo a información que ofrece ISEP en <https://www.isepstudyabroad.org/planning/finances/budget-calculator>, é de 100 dólares USA para o curso 2021-2022.
- No momento de ter asignada unha institución en EEUU e logo de ter aceptado o destino, o estudantado deberá aboar directamente a ISEP a taxa de asignación (ISEP Exchange Placement Fee, que non será devolta en ningún caso). Esta taxa para o curso 2021-2022 é de 395 dólares USA.

3.2 Pagamento alumnado internacional:

Coa contía percibida do estudantado da Universidade de Vigo que participe no intercambio, a Oficina de Relacións Internacionais satisfará unha parte da estadía do alumnado internacional que se recibe na Universidade de Vigo no marco do programa ISEP. A Oficina de Relacións Internacionais aboará os gastos de aloxamento e manutención das/os estudantes estadounidenses recibidas/os.

4. SOLICITUDES E DOCUMENTACIÓN

Os/as interesados deberán cubrir dous formularios:

- O formulario de solicitude en liña atoparase na Secretaría Virtual (formularios e enquisas) da Universidade de Vigo **2021/2022 ISEP Solicitude**.
As persoas candidatas deberán descargar o formulario de solicitude cuberto e presentalo na sede electrónica da Universidade de Vigo (<https://sede.uvigo.gal>) polo procedemento **ORI-Convocatoria ISEP 2021-2022**, xunto coa documentación requirida na convocatoria.

En caso de dificultades técnicas durante o proceso de presentación dos formularios, poderán dirixirse ao enderezo electrónico sede@uvigo.gal.

Só se aceptarán solicitudes presentadas a través da sede electrónica no prazo establecido, tal e como se indica nos parágrafos precedentes. Se, debido a algún problema, non fose posible presentar a solicitude a través da sede electrónica, o alumnado deberá contactar, durante o prazo de presentación e con antelación suficiente, coa Oficina de asistencia en materia de rexistro, para que un funcionario habilitado faga a presentación no seu nome.



Para presentar a solicitude a través da sede electrónica pódense usar os seguintes sistemas de autenticación:

- Certificado dixital ou DNI electrónico
- Chave PIN
- Chave Permanente

Non obstante, os documentos esixidos na convocatoria deben asinarse con sinatura dixital, polo que, o alumnado deberá solicitar, se non o ten, o certificado de persoa física ou posuír un lector de DNI electrónico.

https://www.uvigo.gal/sites/uvigo.gal/files/contents/paragraph-file/2020-05/GL_manual_cidadania_FNMT.pdf

O alumnado deberá facilitar na solicitude de participación o enderezo de correo electrónico co dominio alumnos.uvigo.es. A comunicación entre a ORI e as persoas participantes realizarase sempre a través deste enderezo de correo electrónico.

O prazo de presentación de solicitudes comezará o día seguinte ao da publicación desta convocatoria e remata o **23 de decembro de 2020** (ás 23: 59 hora peninsular española).

Xunto con esta solicitude o alumnado deberá remitir á ORI:

-Certificado do TOEFL ou impreso da matrícula para a súa realización (máximo ata o 12 de decembro de 2020).

2. O/a solicitante deberá cubrir tamén a aplicación en liña de ISEP e engadir telematicamente toda a documentación que esta require. O enlace directo á aplicación en liña de ISEP é: <https://www.isepstudyabroad.org/guides-and-tips/get-started/apply> (a modalidade é ISEP Exchange). A solicitude en liña de ISEP **deberá estar cuberta completamente antes do remate do prazo indicado no punto anterior.**

A selección das universidades norteamericanas e os estudos que cursará o estudiantado é responsabilidade única da persoa solicitante. O acceso á listaxe destas institucións e ás ligazóns correspondentes deberá facerse dende a páxina web de ISEP na sección: Find a program: <https://search.isepstudyabroad.org/FindAProgram/Map>. É preciso indicar nesa ligazón web de ISEP que a universidade de orixe é a Universidade de Vigo para ver toda a oferta de universidades de Estados Unidos participantes en ISEP e os seus programas de estudo, así como poder facer unha busca concreta de institucións norteamericanas segundo criterios académicos (grao ou mestrado, así como por áreas de estudo).

5. SELECCIÓN E RESOLUCIÓN

Rematado o prazo de presentación de solicitudes, e unha vez examinadas estas e a documentación presentada, publicarase a **listaxe provisoria de solicitudes admitidas e excluídas**, coa mención da causa de exclusión.

As persoas interesadas disporán dun prazo **de cinco días hábiles** contados a partir do día seguinte á publicación para emendar os erros e a falta de documentación presentando as alegacións a través da sede electrónica da Universidade de Vigo (<https://sede.uvigo.gal>) polo procedemento **ORI-Convocatoria ISEP 2021-2022**, dirixidas á Oficina de Relacións Internacionais.

Unha vez revisadas as alegacións e publicada a listaxe definitiva de solicitudes admitidas e excluídas, procederase á selección que será efectuada pola Comisión de selección por orde de expediente segundo a nota media do expediente académico ponderada pola media da promoción, calculadas



ambas segundo o disposto no protocolo do Sistema Universitario Galego establecido na Resolución de 15 de setembro de 2011 (DOG do 30 de setembro).

Cando se trate de titulacións de segundo ciclo, para o cálculo da nota media, terase en conta, a media do primeiro ciclo dos estudos dende os que se accede á nova titulación.

Establécese a seguinte prioridade:

- 1º. O alumnado que estea cursando materias implantadas en inglés na Universidade de Vigo no marco do plan de internacionalización lingüística nos casos de igualdade de puntuación.
- 2º. O alumnado que xa disfrutase dunha bolsa ISEP con anterioridade será seleccionado en último lugar. No caso de que haxa máis dunha persoa que xa disfrutara da bolsa ISEP dirimirase pola nota media do expediente académico ponderada pola media da promoción.

A Comisión de selección está composta por:

Presidente: Amelia Rodríguez Piña, coordinadora ISEP na Universidade de Vigo.

Secretaria: María Teresa Arce Aramendi, Xefa de Área da ORI

Vogal: Cristina Vázquez Pérez, Xefa de Negociado da ORI.

Efectuada a selección pola comisión, publicarase a listaxe provisoria de persoas candidatas seleccionadas e a listaxe de agarda.

As persoas interesadas poderán presentar, a través da sede electrónica, polo procedemento **ORI-Convocatoria ISEP 2021-2022**, alegacións no prazo de 5 días hábiles, contados a partir do día seguinte á publicación desta resolución, dirixidas á Oficina de Relacións Internacionais.

Revisadas as alegacións pola Comisión e efectuada a selección definitiva, a Oficina de Relacións Internacionais elevará a proposta de resolución definitiva de persoas candidatas seleccionadas e en lista de agarda, se procede, á Vicerreitora de Responsabilidade Social, Internacionalización e Cooperación para a súa publicación.

As persoas interesadas poderán entender desestimadas as solicitudes de non se ditar resolución expresa no prazo de 3 meses contados desde o día seguinte ao do remate do prazo de presentación de solicitudes.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses a contar dende o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte ao da súa publicación, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

Todas as resolucións ás que se refire este punto publicaranse no taboleiro de anuncios da sede electrónica da Universidade de Vigo <https://sede.uvigo.gal/public/dynamic/publications/> e no portal de bolsas da web da universidade e na seguinte ligazón:

<https://www.uvigo.gal/estudar/mobilidade/estudiantes-saintes>



Poderán realizarse as comunicacións individuais que resulten necesarias ao correo electrónico sinalado na solicitude, sen que estas teñan a consideración de notificación.

6. ACEPTACIÓN E RENUNCIA

As persoas beneficiarias das bolsas deberán aceptar ou renunciar a concesión da bolsa no prazo de 5 días hábiles desde a publicación da resolución definitiva de concesión e deberán aboar nese prazo o placement fee. **De non facelo nese prazo, entenderase que renuncia á praza.** O documento de aceptación/renuncia presentase a través da sede electrónica da Universidade de Vigo (<https://sede.uvigo.gal>) polo procedemento **ORI-Convocatoria ISEP 2021-2022**.

O alumnado en lista de agarda que resulte seleccionado con posterioridade a este prazo, debido á renuncia de alumnado seleccionado previamente, deberá aceptar a praza a través da sede electrónica da Universidade de Vigo polo procedemento **SXER-Instancia xenérica**.

Os datos do estudantado seleccionado serán enviados á oficina central do ISEP en EEUU, que efectuará a selección definitiva e xestionará a súa admisión nas universidades estadounidenses solicitadas.

Toda renuncia a unha praza xa aceptada con anterioridade, deberá presentarse por escrito a través da sede electrónica da Universidade de Vigo (<https://sede.uvigo.gal>) polo procedemento **SXER-Instancia xenérica**.

7. SESIÓNS INFORMATIVAS

Pódense consultar os vídeos sobre programa ISEP na seguinte ligazón:

<https://tv.uvigo.es/searchmultimediaobjects?search=isep&tags%5B%5D=&duration=&type=&language=&year=2018>

8. OBRIGAS

A persoa beneficiaria deberá:

- a. Facilitar como enderezo de correo electrónico o enderezo do dominio alumnos.uvigo.es para os efectos de comunicación. A comunicación entre a ORI e as persoas participantes realizarase sempre a través deste enderezo de correo electrónico, identificándose con nome e apelidos e o programa de intercambio no que participa.
- b. Aboar as taxas que se establecen no punto 3.1 desta convocatoria nos prazos que se establezan ou ben por ISEP ou ben pola Universidade de Vigo.
- c. Realizar os trámites de matrícula correspondentes na Universidade de Vigo durante o curso 2021-2022, estando exentos do pagamento de taxas na universidade de destino.
- d. As persoas seleccionadas deberán entregar na ORI a seguinte documentación para xustificar a duración da súa estadía:
 1. Ao inicio da estadía:
 - Certificación de chegada conforme o modelo que lle será entregado na ORI
 2. Unha vez finalizada a estadía:
 - Certificado de realización da estadía orixinal. Para ser válido, este certificado deberá ser asinado pola persoa que coordine ISEP na universidade de acollida e incluírá o selo oficial da devandita institución. O estudantado deberá enviar o documento orixinal á ORI ao finalizar a estadía a través dalgún dos rexistros da Universidade de Vigo, sen



alteracións nin riscaduras. As datas de chegada e partida definitivas que aparezan neste certificado serán as que se terán en conta á hora de xustificar a estadia real.

-Cumprimentar e enviar a enquisa de avaliación da estadia.

- e. As persoas seleccionadas deberán elaborar un contrato de estudos en colaboración coa persoa responsable de relacións internacionais do seu centro ou da persoa encargada da súa titorización a través de Xescampus. Este contrato deberá elaborarse antes do inicio do prazo de matrícula para o curso 2021-2022. No caso de modificacións do contrato, estas deberán facerse no primeiro mes de cada cuadrimestre na universidade de destino. Se as modificacións inflúen na matrícula efectuada na Universidade de Vigo no curso 2021-2022, estas deberán ser notificadas polo alumnado á secretaría do seu centro na Universidade de Vigo unha vez aprobado o contrato polo/a coordinador/a.
- f. Tras a aceptación do destino, o estudantado seleccionado deberá subscribir en liña o seguro médico obrigatorio do ISEP. O custo deste seguro, segundo a información facilitada por ISEP na súa web, é de 95 dólares USA ao mes no curso académico 2020-2021, contía que pode variar para o curso 2021-2022.
- g. Tramitar o seu visado coa Embaixada dos Estados Unidos de América en Madrid e asegurarse das condicións deste, sobre todo no caso de estudantes con nacionalidade de países extracomunitarios e sen permiso de residencia permanente en España.

9. PROTECCIÓN DE DATOS

De acordo co disposto no artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección da persoas físicas no que respecta ao tratamento de datos persoais e á libre circulación destes datos e polo que se deroga a Directiva 95/46/CE (Regulamento Xeral de Protección de Datos ou "RXPd") e co disposto no artigo 11 da Lei orgánica 3/2018, de 5 de decembro, de protección de datos persoais e garantía dos dereitos dixitais, informámoslle que os datos que vostede nos facilite na solicitude, serán tratados baixo a responsabilidade da Universidade de Vigo, coa finalidade de xestionar a presente convocatoria e amparados Ley Orgánica 6/2001, de 21 de decembro, de Universidades e baixo a responsabilidade da rede ISEP

Coa súa participación nesta convocatoria as persoas interesadas autorizan á Universidade de Vigo para a publicación dos seus datos, de acordo cos principios de publicidade e transparencia, cando así se derive da natureza desta convocatoria. Non obstante e co fin de previr riscos para a publicidade de datos persoais de vítimas de violencia de xénero, dita circunstancia deberá comunicala a persoa afectada coa maior celeridade posible á Unidade de Igualdade da Universidade de Vigo ao teléfono 986 813419 ou ao enderezo electrónico igualdade@uvigo.es

Estes datos trátanse durante o tempo imprescindible para cumprir coa citada finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos.

Vostede está obrigado a facilitar estes datos en virtude do especificado no parágrafo anterior e, en caso de non facelo, as consecuencias serán o desestímulo da solicitude. Vostede ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, a portabilidade dos seus datos.



Devanditos dereitos poderá exercelos mediante solicitude dirixida ao Reitor da Universidade de Vigo por medio do rexistro da Universidade de Vigo, ou calquera dos rexistros indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario Lagoas-Marcosende, 36310 Vigo (Pontevedra). Para mais información: <https://www.uvigo.gal/proteccion-datos>

Igualmente poderá dirixir dita solicitude directamente ao Delegado de Protección de Datos do responsable cuxa identidade e datos de contacto son Ana Garriga Domínguez, Facultade de Dereito, Campus Universitario As Lagoas s/n, 32004, Ourense (España). Teléfono: 988 368 834. Enderezo electrónico: dpd@uvigo.gal

Así mesmo, vostede ten dereito a presentar unha reclamación ante a Axencia Española de Protección de Datos (AEPD).

